



大明會典卷之八十四

禮部四十二

郊祀四

祈穀

今罷

嘉靖十年定

一前期五日。

上詣犧牲所視牲。先一日告廟。及還參拜。俱如

大祀之儀。告辭曰。明日恭視

祈穀牲儀。參辭曰。恭視

祈穀牲儀。回還。次日以後



命大臣輪視如常儀

一前期四日太常寺奏祭祀。

諭百官致齋三日。

上親填告請

太祖祝版于

文華殿

一前期三日。

上詣

太廟請

太祖配

神以脯醢酒果行再拜一獻禮祝文曰

維嘉靖

年歲次

月

朔

日

孝玄孫嗣皇帝御名敢昭告于

皇祖太祖高皇帝曰茲以今月 日啓蟄之辰恭祀

上帝于

圜丘為民祈穀謹請

皇祖侑

神伏惟

鑒知謹告

一前期二日太常卿同光祿卿奏省牲如常儀

一前期一日。

上親填祝版于

文華殿。遂告于

廟。告辭曰

孝玄孫嗣皇帝御名明日祇詣

南郊行

祈穀禮。謹詣

祖宗列聖帝后神位前恭預告

知。夜二鼓。禮部尚書。侍郎導引。太常卿捧請

神版。奉安于壇位。俱如

大祀之儀

一陳設

上帝位

犢一

玉用蒼璧一

帛一

青色

登一

簠簋各二

籩十二

豆十二

蒼玉爵三

酒尊三

篚一

祝案一

配帝位

同惟不用玉

正祭。是日

上常服乘輿至

昭亨門右。

上降輿導引官導

上至大次。具祭服出。由左門入。至陞上行祭禮。如大祀之儀。惟不燔柴

上還至

廟參拜。致辭曰

孝玄孫嗣皇帝御名祇詣

南郊祈穀禮成。躬詣

祖宗列聖帝后神位前。謹用

參拜。畢。

還宮

一祝文

維嘉靖 年 月 日

嗣天子臣御名祇奏于

皇天上帝。曰。候維啓蟄。農事將舉。爰以茲辰。敬祈

洪造。謹率臣僚。以玉帛犧齊粢盛庶品。備斯明潔。恭

祀

上帝于

圜丘。仰希

垂鑒。錫福烝民。俾五穀以皆登。普萬方之咸賴。奉

太祖聖神文武欽明啓運俊德成功統天大孝高皇
帝侑神尚

享

一樂章

迎

帝神中和之曲

臣惟

穹昊兮民物之初。為民請命兮祀禮昭諸。備筵率職
兮祈

洪庥臣衷微眇兮悃懇誠攄。遙瞻

駕降兮霽色輝。歡迎鼓舞兮迓

龍輿臣愧菲才兮后斯民願福斯民兮

聖恩渠

奠玉帛肅和之曲

烝民勤職兮農事顛蠶工亦慎兮固桑阡。玉帛
祗奉兮暨豆籩。仰祈

大化兮錫以豐年

進俎咸和之曲

鼎烹兮氣馨香。饗兮音醑

帝垂享兮以歆。烝民蒙

福兮以寧。

大出也。初獻。壽和之曲。

禮嚴兮初獻行。百職趨蹌兮佩琤鳴。臣謹進兮

玉觥。

帝心歆鑒兮歲豐亨。

亞獻。景和之曲。

二觴舉兮致虔。清醴載斟兮奉

前仰。

音容兮忻穆。臣感

聖恩實拳拳。

終獻。永和之曲。

三獻兮一誠微。禮禮告成兮

帝鑒是依。烝民沐

德兮歲豐穰。臣拜首兮竭誠祈

徹饌。凝和之曲。

三獻週兮肅乃儀。俎豆敬徹兮弗敢遲。願

留福兮丕而。曰雨曰暘兮若時。

帝望禋送

帝神。清和之曲。

會典卷八十四
六
祀禮告備兮

帝鑒彰。臣情上達兮感

昊蒼。雲程肅駕兮返

帝鄉。臣荷

恩眷兮何以忘。祥風瑞靄兮彌壇壝。烝民率土兮悉

獲豐康

望燎太和之曲

遙覩兮

天衢長。邈彼寥廓兮去

上方。東帛薦火兮希昇

聞。悃悞已通兮

沛澤長。樂終九奏兮神人以和。臣同率土兮咸荷

恩光

配位西向

- | | | | |
|---|----|----|----|
| 黍 | 鹽形 | 蓬 | 餅白 |
| 稷 | 魚鱉 | 菱 | 餅黑 |
| | 棗 | 茨 | 餅粉 |
| | 栗 | 脯鹿 | |

- 大尊
 著尊
 犧尊

- | | | | |
|----|----|----|----|
| 豆 | 菹芹 | 菹芑 | 簋稻 |
| 祈脾 | 醢兔 | 醢醢 | 梁 |
| 胎豚 | 菹笋 | 菹菁 | |
| 食鮑 | 醢魚 | 醢鹿 | |
| 食糝 | | | |

會典卷八十四

俎

牲

尸

豆

尊

罍

壺

瓶



稻
梁

菹韭
醢醢
菹菁
醢麋

豆
茹芹
醢光
菹菁
醢魚

折脰
脰脰
食鮑
食糝

會典卷八十四

大享 今羅

嘉靖十七年定

一前期五日。

上詣犧牲所視牲。其先一日。

上告于

廟。及還參拜。俱如

大祀之儀。告辭參辭。改稱

大祀曰

大享。餘並同。次日以後

命大臣輪視如常儀

一前期四日。太常寺奏祭祀如常儀。
諭百官致齋三日。

一前期三日。

上詣

太廟寢殿。告請

睿宗配

帝。以脯醢酒果行再拜一獻禮。祝文曰

維嘉靖 年 月 日

孝子皇帝御名敢昭告于

皇考睿宗獻皇帝。曰。茲以今月 日恭行

大享禮于

大享殿。謹請

皇考配

帝侑

神。伏惟

鑒知。謹告

一前期二日。太常卿光祿卿奏省牲如常儀

一前期一日。

上親填祝版于

文華殿。夜二鼓。禮部同太常堂上官請安

神御版位。俱如祈穀之儀。

一陳設

上帝位

犢一

玉用蒼璧一

帛十二

青色

登一

簠簋各二

籩十二

豆十二

玉爵三

酒尊三

篚一

祝案一

配帝位

同惟不用玉

一正祭

與祈穀同

一祝文

維嘉靖

年

月

日

嗣天子

臣御名恭奏享于

皇天上帝。曰。時當季秋。咸成農事。羣生蒙利。黎兆允

安。邦家是賴。

帝德敷天。

臣統臣工宜為酬

享。謹用玉幣犧牲。祇謝

生成大福。備此禋燎。奉

皇考睿宗。知天守道。洪德淵仁。寬穆純聖。恭儉敬文。

獻皇帝配

帝侑歆尚

享

一樂章

迎

帝神

中和之曲

於皇穆清兮。弘覆惟仁。既成萬寶兮。惠此烝民。
 祇受厥明兮。欲報無因。爰稽古昔兮。式展明禋。
 肅肅廣庭兮。遙遙紫旻。笙鏞始奏兮。祥風導雲。
 臣拜稽首兮。中心孔懃。爰瞻
 寶輦兮。森羅萬神。庶幾昭格兮。
 奉命其中。徘徊顧歆兮。鑒我恭寅。

奠玉帛

肅和之曲

捧珪幣兮。瑤堂穆將愉兮。

聖皇秉予心兮。純一荷

帝德兮。溥將

進俎

凝和之曲

歲功阜兮。庶類成。黍稷秘兮。濡鼎馨。敬薦之兮。
 慙菲輕。大禮不煩兮。惟一誠

初獻

壽和之曲

金風動兮。玉宇澄。初獻觴兮。交

聖靈瞻

玄造兮懷鴻禎。曷以酬之心怍怍。

亞獻 豫和之曲

帝眷我兮居歆。紛繁會兮五音。再奉觴兮莫殫臣心。

惟

帝欣懌兮生民是任

終獻 熙和之曲

綏萬邦兮屢豐年。眇眇予躬兮實荷

昊天。酒三獻兮心益虔。

帝命參輿兮勿遽旋

徹饌 雍和之曲

祀禮既洽兮。神人肅雍。享

帝享

親兮。勉竭臣衷。惟

洪恩兮罔極。儼連蜷兮

聖容

送

帝神 清和之曲

九韶既成兮。金玉鏗鏘。百辟森立兮。威羽斯葢。

皇天在上兮。

昭考在傍。嚴父配天兮。祇修厥常。殷薦既終兮。

神去無方。玄雲上昇。鸞鶴參翔。靈光回照。郁乎
芬芳。載慕載瞻。願錫亨昌。子孫黎民。維
帝是將。於昭

明德。兮永懷不忘

望燎 時和之曲


龍輿杳杳。歸上方。金風應律。燎斯揚。達精誠。兮


合靈光。

帝庭納兮。玉幣將。顧下土兮。眷不忘。願錫吾民兮。長

阜康

大享殿圖





會典卷八十四

雩祀

國家凡遇水旱災傷及非常變異。或躬禱。或露告于

宮中。于

奉天殿。陛。或遣官祭告

郊

廟

陵寢及

社稷

山川。無常儀。嘉靖八年春祈雨。冬祈雪。皆

御製祝文躬詣

南郊祠

皇天

后土。遂躬祠

山川

神祇于

山川壇。次日。祠

社稷壇。冠服淺色。鹵簿不設。馳道不除。皆不設配。不

奏樂。後建

崇雩壇始定雩祀之儀。十七年。躬禱雨于

崇雩壇。青服。用一牛以熟薦。具禮樂與雩祀同。亦

不設配。萬曆十三年。

上親禱

郊壇。却輦步行。有步禱儀。詳具于後

嘉靖十一年定雩祀儀

歲旱。則於季春之末。禮部奏請行禮

一前期四日。太常寺奏祭祀如常儀。

諭百官致齋三日

一前期二日。太常卿同光祿卿奏省牲如常儀。

次日復

命

一前期一日。

上親填祝版于

文華殿。遂告于

廟。如祈穀之儀。

一陳設 與祈穀同

一正祭。是日

上乘輿至

昭亨門西降輿。過門東。乘輿至

崇雩壇門西降輿。導引官導

上至帷幕內。具祭服出。導引官導至壇門內。內贊對

引官導

上至拜位行禮。如祈穀之儀。禮畢。

上至帷幕內易服。

駕還詣

廟參拜。回宮

一祝文 臨時撰用

一樂章

迎

帝神 中和之曲

於穆

上帝爰處

瑤宮咨爾黎庶。覆憫曷窮。旂幢戾止。委蛇雲龍。霖澤斯溥。萬寶有終。

奠帛 肅和之曲

神之格思。奠茲文繡。盛樂斯舉。香氣氤氳。精禋孔燠。徹于

紫冥。懇祈膏澤。渥我嘉生。

進俎 咸和之曲

百川委潤。名山出雲。愆暘孔熾。膏澤斯屯。祈年於

天。載牲于俎。神之格思。報以甘雨。

初獻 壽和之曲

有嚴崇祀。日吉辰良。酌彼蠶洗。椒馨苾香。

玄功溥濟。時雨時暘。惟

神是聽。綏以多穰。

亞獻 景和之曲

皇皇禋祀。孔惠孔明。瞻仰來歆。拜首欽承。有醴維醺。有酒維清。雲韶侑獻。肅雝和鳴。

聖靈有赫。鑒享精誠。

終獻 永和之曲

靈承無斁。駿奔有容。嘉玉以陳。酌鬯以供。禮三再稱。誠一以從。備物致志。申薦彌恭。神昭景貺。佑我耕農。

徹饌 凝和之曲

有赫旱暵。民勞瘁斯。于牲于醴。載舞載詩。禮成三獻。敬徹不遲。

神之聽之。雨我公私。

送

帝神 清和之曲

爰迪寅清。昭事

顛穹。仰祈甘雨。惠我三農。既歆既格。言歸太空。式霑

下土。萬方其同。

望燎 太和之曲

赤龍旋馭。禮洽樂成。燔燎既舉。昭假精禋。維

帝降康。雨施雲行。登我黍稌。溥受厥明。

雲門之曲 祭畢使道童羣歌之

景龍精兮時見。測鶉緯兮宵懸。肆廣樂兮鏗鉦。列皇舞兮踴躍。祈方社兮不莫。薦圭璧兮孔虔。需密雲兮六漠。霈甘澍兮九玄。慰我農兮既渥。錫明昭兮有年。

萬曆十三年步禱儀

一前期一日。

上具青服。以躬詣

南郊祈禱。預告于

奉先殿。行禮如常儀

一前期一日。太常寺進祝版。

上親填御名訖。太常寺博士捧出安輿亭內。擡至南郊神庫奉安。

一太常寺預設酒果脯醢香帛于

圜丘。牛一。熟薦。設

上拜位于壇壝正中

一錦衣衛設隨朝駕。不除道

一正祭。是日免朝。昧爽。

上具青服。御皇極門。太常寺官跪奏請

聖駕詣

圜丘。

上起步行。護駕侍衛并導駕侍班翰林科道等官如

常儀。百官各青衣角帶。恭候於

大明門外。

內閣禮部太常寺近前。其餘文東武西。各照常朝

班行序立。

駕至。魚貫前導。卑者在前。崇者在後。緣道兩旁。離御路稍遠。文武兩班就中。又各自為對。至

昭亨門。照前序立候。

駕。監禮御史等官如常儀。鴻臚寺仍委序班十餘員。整肅班行。不許誼譁越次。

一

駕至昭亨門。導引官導。

上至左櫺星門外。幕次少憩。禮部尚書侍郎太常寺卿少卿跪奏詣壇位。內贊對引官導。

上行。典儀唱執事官各司其事。內贊奏就位。

上至拜位。典儀唱迎神。內贊奏陞壇導。

上至香案前。奏跪。奏上香。

上三上香。訖。奏復位。奏四拜。傳贊百官同典儀唱奠帛。行

初獻禮。內贊奏陞壇導。

上至

神御前。奏獻帛。訖。奏獻爵。訖。奏詣讀祝位。奏跪。傳贊百官

皆跪贊讀祝。訖。奏俯伏。興。平身。傳贊百官同奏復位。典

儀唱行亞獻禮。內贊奏陞壇導。

上至

神御前奏獻爵訖。奏復位。典儀唱行終獻禮。儀同典

儀唱送神。內贊奏四拜。傳贊百官同典儀唱讀祝官

捧祝。進帛。官捧帛各詣燎位。內贊奏禮畢。導引


官導


上出至幕次少憩。

上還仍詣

奉先殿參謁如常儀

崇雩壇圖





嘉靖初沿



先朝舊儀。每日於宮中行拜

天禮。後以為瀆罷之。遇正旦。冬至。

萬壽聖節。於

奉天殿

今皇極殿

丹陛上行禮。既定

郊祀。遂罷冬至之拜。惟正旦。

萬壽聖節。行禮於

玄極寶殿。隆慶元年罷。仍于

皇極殿丹陛上行禮

嘉靖中定

玄極寶殿拜天儀 今罷

前期一日太常寺博士捧祝版于

文華殿或精一堂或臨時于

玄極門內候

上親填御名太常寺辦祭品晡時同供事官入殿內

陳設夜二鼓太常寺官入候行禮三鼓初

上具服乘輿至

凌霄門外降輿入門內太常寺卿跪奏

神御位奉安訖導引官導

上至

玄極門內由集真門入至左陛內贊對引官導

上由左門入就位典儀唱迎

帝神內贊導

上由中陛登臺至香案前上香復位四拜典儀唱奠

帛行初獻禮內贊導至

御案前獻帛獻爵詣讀祝位讀祝行亞獻終獻禮典

儀唱送

帝神奏四拜奏詣望燎位禮畢

上回宮

祝文

元旦

維 年 月 日

嗣天子臣御名敢昭奏于

皇天上帝。曰。適維斯辰。節當元旦。歲時所重。爰奉典常。祇對

皇穹。仰瞻拜

祀。祈垂

洪造。大賜亨豐。臣無任瞻奉之至。謹奏萬壽聖節

維 年 月 日

嗣天子臣御名謹昭奏于

皇天上帝。曰。臣以昧愚。微資上叨

帝心簡在。報稱無由。矜諸愆戾。今日臣生之辰。祇申叩拜。仰祈我

天慈

俯垂賜鑒。伏望

降歆。益大

生生之仁。均囿民物于康和福壽之域。臣下情不勝瞻對之至。謹奏

大明會典卷之八十四

大明會典卷之八十五

禮部四十三

社稷等祀

太社稷

國初以春秋仲月上戊日祭

太社

太稷異壇同壇。

太社以后土勾龍氏配。

太稷以后稷氏配每獻禮先詣

太社及配位壇獻畢次詣

太稷及配位壇臨祭遇風雨則于

齋宮望祭。洪武三年。於壇北建
享殿。又北建拜殿。各五間。以備風雨行禮。十年。改建
社稷壇于

午門外之右。先是社主用石。高五尺。闊二尺。上微
尖。立於社壇半埋土中。近南向北。稷不用主。至
是埋石主於社稷壇之正中。微露其尖。仍用木
為神牌。而丹漆之。祭則設于壇上。祭畢。貯庫。壇
設

太社神牌居東。

太稷神牌居西。俱北向。奉

仁祖神牌配神。西向。而罷勾龍后稷配。自奠帛至終
獻。皆同時行禮。洪武三十一年。更奉

太祖配神。永樂中。北京

社稷壇成。位置陳設。悉如南京舊制。洪熙後。奉

太宗同配。嘉靖九年。遵初制。

太社仍以后土勾龍氏配。

太稷仍以后稷氏配。

洪武二十六年。初定儀

一齋戒

與祭

太廟同

一告廟。正祭前二日。用祝文酒果于

奉先殿告請

仁祖配

社稷 祝文與 大祀同

一省牲 與 太廟同。牛三。羊三。豕三。鹿一。兔二。

一陳設

太社 在東北向

犢一 羊一 豕一 登一

釧二 籩豆各十二 簠簋各二

帛一 黑色 玉用兩圭有邸

稷 在西北向

陳設同

仁祖配位 在東西向

陳設同 無玉

共設酒尊三。爵九。篚三。于壇西北。東向。祝文

案一

一正祭。典儀唱樂舞生就位。執事官各司其事。
導引官導引

皇帝至御拜位。內贊奏就位。典儀唱瘞毛血。迎

神。奏樂。樂止。內贊奏四拜。百官同 典儀唱奠玉帛。行初

獻禮。奏樂。執事官各捧玉帛爵獻于

神位前讀祝官取祝跪于

神位左。內贊奏跪。典儀唱讀祝。讀訖。進于

太社神位前。內贊奏俯伏。興平身。百官同樂止。典儀唱

行亞獻禮。奏樂。執事官各捧爵獻于

神位前。樂止。典儀唱行終獻禮。儀同亞獻太常卿進立于

壇西。東向。唱賜福胙。光祿司官捧福胙自

神位前。由正門左出。至

皇帝前。內贊奏跪。奏搯圭。光祿司官以福酒跪進。內

贊奏飲福酒。光祿司官以胙跪進。內贊奏受胙。

出圭。俯伏。興平身。內贊奏四拜。百官同典儀唱徹

饌。奏樂。執事官各詣

神位前。徹饌。樂止。典儀唱送神。奏樂。內贊奏四拜。百官

同樂止。典儀唱讀祝。官捧祝。進帛。官捧帛。掌祭

官捧饌。各詣瘞位。奏樂。內贊奏禮畢

一祝文

維洪武 年 月 日

皇帝御名敢昭告于

太社之神。

太稷之神。惟

神贊輔

皇祇發生嘉穀粒我烝民萬世永賴時當仲春禮嚴

告祀謹以玉帛牲齊粢盛庶品備茲瘞祭以

皇考仁祖淳皇帝配

神尚

享

一樂章

迎神

廣和之曲

予惟土穀兮造化功。為民立命兮當報崇。民歌

且舞兮朝雍雍。備筵率職兮候迓迎。想

聖來兮祥風生。欽當稽首兮

告年豐

初獻

壽和之曲

氤氳氣合兮物遂蒙。民之立命兮荷陰功。予將

玉帛兮獻微衷。初斟醴薦兮民福洪

亞獻

豫和之曲

予今樂舞兮再捧觴。願

神昭格兮軍民康。思必穆穆兮靈洋洋。感厚恩兮拜

祥光

終獻

熙和之曲

干羽飛旋兮酒三行。香煙繚繞兮雲旌幢。予今

稽首兮忻且惶。

神顏悅兮霞彩彰

徹饌

雍和之曲

祖陳微禮兮

神喜將。琅然絲竹兮樂舞揚。願祥普降兮遐邇方。烝

民率土兮盡安康

送神

安和之曲

氤氳氤氳兮祥光張。龍車鳳輦兮駕飛揚。遙瞻

稽首兮去何方。民福留兮時雨暘

望瘞

時和之曲

捧肴羞兮詣瘞方。鳴鑿率舞兮聲鏗鏘。思

神納兮民福昂。予今稽首兮謝

恩光

嘉靖九年更定儀

一前期二日。太常寺卿同光祿寺卿

面奏省牲如常儀

一陳設。

太社居東北向。

太稷居西北向。

后土勾龍氏居東。西向。

后稷氏居西。東向。陳設並如舊制。惟帛春用告祀。

秋用禮神

一正祭。

上乘輿由西闕門入。至壇北門東降輿。導引官導
上由右門入。至具服殿。

上具祭服。導引官導

上由拜殿右門出。典儀唱樂舞生就位。執事官各司
其事。

上至御拜位。內贊奏就位。

上就位。典儀唱瘞毛血迎神。樂作。內贊奏陞壇。導
上至

太社神前。奏跪。奏搯圭。奏上香。司香官捧香跪于
上左。

上三上香。內贊奏出圭。導
上至

太稷神前。儀同奏出圭。奏復位。太常卿上配位香。樂止。

奏四拜。傳贊百官同典儀唱奠玉帛。行初獻禮。樂作。

執事官捧玉帛爵于

各神位前。跪奠訖。樂暫止。內贊奏跪。傳贊眾官皆跪典儀唱

讀祝。讀祝官跪讀訖。樂復作。奏俯伏興平身。傳贊

百官同樂止。典儀唱行亞獻禮。樂作。執事者捧爵

于

各神位前跪奠訖樂止典儀唱行終獻禮樂作儀同亞獻

樂止太常卿于壇左東向立唱賜福胙內贊奏

跪

上跪奏搢圭光祿卿捧酒跪于

上右內贊奏飲福酒

上飲訖光祿官捧胙跪于

上右內贊奏受胙

上受胙訖奏出圭俯伏興平身奏四拜傳贊百官同典儀

唱徹饌樂作樂止典儀唱送神樂作奏四拜傳贊

百官同樂止典儀唱讀祝官捧祝掌祭官捧帛饌

各詣瘞位樂作捧祝帛饌官過


御前訖奏禮畢

上至具服殿易服還宮

一祝文稱嗣天子及后稷氏配神餘並同后土勾龍氏


一樂章仍舊

太社稷陳設圖



會典卷八十五


九



帝社之神。俱朱漆質金書。壇之南置石龕以藏
 帝社之神。神位以木為之。各高一尺八寸。廣三寸。題曰
 帝社。壇址高六寸。方廣二丈五尺。甃以細甃。實以
 淨土。繚以土垣。北為櫺星門。高六尺八寸。廣五
 尺八寸。
 上命於西苑空閒地。開墾為田。樹藝五穀。建
 帝社。

嘉靖十年。

帝社稷 今罷



神位高六尺。廣二尺。壇之西為祭器庫。樂器庫。壇之北。樹二坊以表之。曰

帝社街。每歲以仲春秋次戊日。

上躬行

祈報禮。如次戊在望後。則以上巳日臨期。

命文武大臣十二員陪拜。隆慶元年議罷

一前期四日。太常寺奏齋戒

一前期一日。太常寺奏省牲

上親填祝版于

文華殿

一陳設

帝社

牛一

羊一

豕一

登一

鉶一

籩豆各八

簠簋各二

帛一

玄色。春用告祀。秋用禮神

帝稷

陳設同

一正祭。是日辰刻。

上具皮弁服乘版輿。至豳風亭東降輿。導引官導

上至櫺星門內。典儀唱樂舞生就位。執事官各司其

事。

上至御拜位。典儀唱迎神。樂作。內贊導。

上陞壇。至。

帝社。

帝稷香案前。各三上香。奏復位。樂止。奏兩拜。通贊陪拜官同

典儀唱奠帛。行初獻禮。樂作。執事者捧帛爵于

各神前。奠訖。樂暫止。奏跪。

上跪。通贊同內贊贊讀祝。讀訖。樂復作。奏俯伏。興。平身。

通贊同樂止。典儀唱行亞獻禮。樂作。樂止。唱行終

獻禮。樂作。樂止。唱徹饌。樂作。樂止。唱送神。樂作。

奏兩拜。通贊同樂止。典儀唱讀祝。官捧祝。掌祭官

捧帛饌。各詣瘞位。樂作。奏禮畢。

上至齋風亭。易服。還宮。

一祝文

維嘉靖 年歲次 月 朔 日

嗣天子御名致告于

帝社之神。

帝稷之神。春云秋云時當務農之期。萬寶告成。庸修恒祀。特茲告祈。報謝。

惟

神歆鑒。俾五穀皆登。萬方咸賴。尚

永福予民。萬世攸

享

一樂章

迎神 時和之曲

東風兮 地脉以融首務 兮稼穡之工。祀

神于此兮苑中願來格兮慰予衷

初獻 壽和之曲

神兮臨止禮薦清醇菲幣在筭初獻式遵神其鑒茲

享斯藻蘋我祀伊何祈報是因神兮錫祉財阜

吾民

亞獻 雍和之曲

二觴再舉申此懇懃

神悅兮以納祥霽兮氤氲

終獻 寧和之曲

禮終兮酒三行喜茂實兮稷黍梁農事待兮豐

康予稽首兮以望

徹饌 保和之曲

祀事告終三獻既周徹之罔遲惠注田疇迺以



休既庇茲有秋

送神 廣和之曲 望瘞同

耕耨 伊首 告就力事豆籩粢盛賴之于此大田予將



以祀。
 神其少延。願留嘉祉。副我潔虔。肅駕兮雲旋。普予兮
 有年。

帝社稷祭祀圖 北向



陪拜

帝社稷陳設圖



會典卷八十五
十五

國初建山川壇於
天地壇之西。正殿七間。祭

太歲風雲雷雨五嶽五鎮四海四瀆鍾山之神。東

西廡各十五間。分祭京畿山川春夏秋冬四季

月將及都城隍之神。壇西南有先農壇。東有旗

纛廟。南有藉田。洪武二年。封京都及天下城隍


神。三年。正嶽鎮海瀆城隍諸神號。合祀太歲月

將風雲雷雨嶽鎮海瀆山川城隍旗纛諸神。又

令每歲用驚蟄秋分各後三日。遣官祭山川壇

神祇

今罷



諸神是日。

上皮弁服。御奉天殿降香。中嚴坐殿上。獻官復

命。解嚴還宮。七年。令春秋仲月上旬擇日祭。未幾。以

諸神從祀南郊。省春祭。十年。令中七壇

上親行禮。餘以功臣分祀。永樂中。建山川壇。位置陳

設。悉如南京舊制。惟正殿鍾山之右。增祀天壽

山神。嘉靖八年。令以每歲孟春及歲暮特祀

太歲月將之神。與享

太廟同日。凡親祀山川等神。皆用皮弁服行禮。以別

於

郊廟。九年。更風雲雷雨之序曰雲雨風雷。又分

雲師兩師。風伯雷師以為天神。

嶽鎮海瀆鍾山天壽山京畿并天下名山大川之

神。以為地祇。每歲仲秋中甸。擇吉行報祭禮。同

日異時。而祭城隍神于其廟。十年。建

天神

地祇壇於先農壇之南

天神在左。南向。

地祇在右。北向。附

祖陵基運山。

皇陵翔聖山。

顯陵純德山神於

地祇壇并號鍾山曰神烈山十一年令

神祇壇以丑辰未戌三年一親祭隆慶元年議罷

惟

太歲月將特祭於山川壇如初

洪武二十六年初定儀

一齋戒前一日太常司官宿於本司次日具本

奏致齋二日次日進銅人

凡正祭前二日太常司官同禮部官詣城隍廟

發咨

一省牲與太廟同牛十四後十五羊十三後十四豕十四後十五鹿一兔七

一陳設

正殿七壇

太歲

犢一 羊一 豕一 豋一

鉶二 籩豆各十 簠簋各二

帛一白色禮神制帛 酒盞三十

風雲雷雨

陳設同 帛四白色禮神制帛

五嶽

陳設同

帛五

五色。禮神制帛。各依方位。下同。

五鎮

陳設同

帛五

五色。禮神制帛。

四海

陳設同

帛四

四色。禮神制帛。

四瀆

陳設同

帛四

黑色。禮神制帛。

鍾山

陳設同

帛一

白色。禮神制帛。

共設酒尊三。爵七。篚七。于殿東南。西向。祝文案。一。于殿外正道西。

東廡三壇

京畿山川

犢一

羊一

豕一

豮一

鉶二

籩豆各十

簠簋各二

帛一

白色。禮神制帛。

酒盞三十

夏季月將

陳設同

帛三

白色。禮神制帛。

冬季月將

陳設同

帛三

白色。禮神制帛。

共設酒尊三爵三篚三于壇南北向

西廡三壇

春季月將

秋季月將

陳設並同

都城隍

陳設同

帛一

白色。禮神制帛。

共設酒尊三爵三篚三于壇南北向

一正祭。典儀唱樂舞生就位。執事官各司其事。

導引官導

皇帝至御拜位。內贊奏就位。典儀唱迎神。奏樂。執事

官各詣

神位前斟第一層酒。樂止。內贊奏四拜。

百官同。

典儀

唱奠帛。行初獻禮。奏樂。執事官各捧帛爵獻于

神位前。讀祝官取祝跪于

皇帝左。內贊奏跪。典儀唱讀祝。讀畢。置于案上。內贊

奏俯伏。興。平身。

百官同。

樂止。典儀唱行亞獻禮。奏

樂。執事官各詣

神位前。斟第二層酒。樂止。典儀唱行終獻禮。奏樂。

執事官各詣

神位前。斟第三層酒。樂止。太常司卿立于殿東。西向。唱賜福胙。典儀唱飲福受胙。光祿司官捧福胙自

神位前由正門左出至

皇帝前。內贊奏跪。奏搢圭。光祿司官以福酒跪進。內贊奏飲福酒。光祿司官以胙跪進。內贊奏受胙。出主俯伏。興。平身。奏兩拜。百官同典儀唱徹饌。奏樂執事官各于

神位前徹饌。樂止。典儀唱送神。奏樂。內贊奏四拜。

百官同典儀唱讀祝官捧祝。掌祭官捧帛饌。各詣

燎位。奏樂。內贊奏禮畢

一祝文

維洪武 年 月 日

皇帝御名致祭于

太歲之神。

風雲雷雨之神。

嶽鎮海瀆山川月將城隍之神。惟

神。主司民物。參贊

天地化機。發育有功。歷代相承。有秋報之禮。今農事

告成。謹以牲帛醴齊粢盛庶品。用申報祭。尚
享。

一樂章

迎神

吉日良辰。祀典式陳。

太歲尊神。雷雨風雲。京畿山川。城隍之神。濯濯厥
靈。昭鑒我心。以候以迎。來格來歆。

奠帛

靈旗泣止。有赫其威。一念潛通。幽明弗違。有帛
有篚。物薄而微。

神兮安留。尚祈享之。

初獻

神兮我留。有薦必受。享祀之初。奠茲醴酒。晨光初
昇。祥徵應候。何以侑觴。樂陳雅奏。

亞獻

我祀維何。奉茲犧牲。爰酌醴齊。二觴再升。洋洋
如在。式燕以寧。庶表微衷。交于

神明

終獻

執事有嚴。品物斯祭。黍稷非馨。式將其意。薦茲

酒醴成我常祀。

神其顧歆永言樂只

徹饌

春祈秋報率為我民我民之生賴于爾

神維神佑之康寧是臻祭祀云畢神其樂歆

送神

三獻禮終九成樂作神人以和既燕且樂雲車

風馭

靈光昭灼瞻望以思邈彼寥廓

望燎

俎豆既徹禮樂已終

神之雲旋倏將焉從以望以燎庶幾感通時和歲

豐惟

神之功

永樂中。正殿增一壇。陳設同。帛用黑色。加爵篚各一。

嘉靖十年更定儀

一前期二日太常寺官奏祭祀太常卿同光祿

卿奏省牲如常儀

諭百官致齋二日

一前期一日

上親填祝版于

文華殿。遂告于

廟。告辭曰。

孝玄孫嗣皇帝御名明日出往

神祇壇。行秋祭禮。詣

祖宗列聖帝后神位前。恭預告

知。遣官則否

一陳設

天神壇

雲師一壇

雨師一壇

風伯一壇

雷師一壇

俱南向每壇

犢一

羊一

豕一

登一

鉶二

簠簋各二

籩豆各十

爵三

酒盞二十

共設酒尊四。帛一。篚一。祝案一

地祇壇

五嶽一壇

帛五

五鎮一壇

帛五

五山一壇 帛五

四海一壇 帛四

四瀆一壇 俱北向 帛四

京畿山川一壇 向西 帛二 牲五

天下山川一壇 向東 帛二 牲五 籩豆俱同

一正祭是日昧爽

上具翼善冠黃袍御奉天門太常卿奏請詣

神祇壇

上陞輦鹵簿導從由

先農壇東門入至齋宮更皮弁服詣

天神壇典儀唱樂舞生就位執事官各司其事內

贊導

上至御拜位典儀唱迎神樂作導

上陞壇三上香訖復位樂止奏兩拜傳贊百官同典儀唱

奠帛行初獻禮樂作執事者捧帛爵于

神位前跪奠訖樂暫止奏跪

上跪傳贊眾官皆跪讀祝訖樂復作奏俯伏興平身傳贊同樂

止行亞獻禮樂作執事者捧爵跪奠于

神位前樂止行終獻禮樂作儀同亞獻樂止太常卿唱

答福胙內贊奏跪

上飲福受胙訖。俯伏。興。傳贊同典儀唱徹饌。樂作。樂止。

唱送神。樂作。內贊奏兩拜。傳贊同樂止。典儀唱讀。

祝官捧祝。掌祭官捧帛饌。各詣燎位。樂作。捧祝。

帛饌官過。

御前奏禮畢。內贊對引官復導。

上至。

地祇壇御拜位。典儀唱瘞毛血。迎神。內贊導。

上陞壇至。

五歲香案前。三上香。五鎮以下。俱大臣上禮畢。香以後行禮俱同前。

上易服還詣。

廟參拜。致辭曰。

孝玄孫嗣皇帝御名祭

雲雨風雷嶽鎮海瀆等神回還。恭詣

祖宗列聖帝后神位前。謹用

參拜。參畢。還宮。

地祇壇上香。大臣儀注。典儀唱迎神。執事官導引。

各官由東西級上。詣各壇香案前。內贊奏搢圭。

齊搢笏奏上香。齊上奏出圭。齊出奏復位。齊復位照

前序立。餘同前儀

一祝文

天神壇

維嘉靖 年歲次 月 朔 日

嗣天子御名致祭于

雲師之神。

雨師之神。

風伯之神。

雷師之神。惟

神職司雲雨。興布風雷。贊輔

上帝。功施生民。今農事告成。以牲醴庶品菲帛之儀

用修報祀。惟

神鑒之尚

享

地祇壇

維 年 月 日

嗣天子御名致祭于

五嶽之神。

五鎮之神。

基運山之神。

翔聖山之神。

神烈山之神。

天壽山之神。

純德山之神。

四海之神。

四瀆之神。

京畿天下山川之神。惟

神鍾靈毓秀。主鎮一方。參贊

大化。功被於民。今農事既成。以牲帛醴齊之儀。用修

報祭。

神其歆哉。尚

享。

一樂章

天神壇

迎神

保和之曲

吉日良辰。祀典式陳。景雲甘雨。風雷之神。赫赫
其靈。功著生民。參贊

元化。宣布

蒼仁。爰茲報祀。鑿斯藻蘋

奠帛

以後俱仍舊

地祇壇


迎神

保和之曲



吉日良辰。祀典式陳。靈嶽方鎮。海瀆之神。京畿
四方。山澤羣真。毓靈分隅。福我生民。薦斯享報。
鑒我恭寅

奠帛 以後俱仍舊

山川壇總圖




山川壇祭祀圖




神祇壇總圖

天神壇
南向



五嶽
四海
鍾山
天壽山

祝案




會典卷八十五

三十一


陪祀官

位

天神壇祭祀圖



地祇壇北向




天神壇陳設圖




會典卷八十五

三十三




地祇壇陳設圖



會典卷八十五

三十五





簋





俎









鉶



簋



豆



會典卷八十五

三十六

太歲月將

嘉靖八年定

一前期十日太常寺請

命大臣一員行禮

一前期三日太常寺奏祭祀如常儀

一陳設

太歲神位

犢一

羊一

豕一

登一

鉶二

簋簋各二

籩豆各十

爵三

酒盞三十

尊三

帛一 篚一

兩廡月將共四壇 每壇

犢一 羊一 豕一 豈一

鉶一 簠簋各二 籩豆各十

爵三 酒盞三十 尊三

帛三 篚一

一正祭典儀唱樂舞生就位執事官各司其事。贊引贊就位典儀唱迎神奏樂樂止贊兩拜典儀唱奠帛行初獻禮奏樂執事官捧帛爵詣各神位前奠訖樂暫止贊引贊跪典儀唱讀祝讀

訖樂復作贊俯伏興平身樂止典儀唱行亞獻

禮奏樂儀同初獻惟不獻帛讀祝樂止典儀唱行終獻禮奏

樂儀同亞獻樂止掌祭官西向立唱賜福胙執事官

捧福酒跪進于遣官右贊跪搢笏贊飲福酒訖

執事官捧福胙跪進于遣官右贊受胙訖贊出

笏贊俯伏興平身贊兩拜典儀唱徹饌奏樂樂

止典儀唱送神奏樂贊兩拜樂止典儀唱讀祝

官捧祝掌祭官捧帛饌各詣燎位奏樂捧祝帛

饌官過遣官前訖贊禮畢

一祝文

維嘉靖 年 月 日

皇帝遣某官某致祭于

某甲太歲之神。

四季月將之神。

時維孟春。聿新歲序。惟時暮歲。將屆新春。

特用遣祭。以

牲帛庶品之儀。

神其歆此

祭報

誠敷佑康吉尚

享

一樂章

迎神

吉日良辰。祀典式陳。輔國佑民。


太歲尊神。四時月將。功曹司辰。濯濯厥靈。昭鑒我

心。以候以迎。來格來歆。

奠帛

以後俱與神祇壇同

太歲月將壇陳設圖




籩

- 菱
- 芡
- 鹿脯
- 白餅
- 黑餅
- 形鹽
- 魚藻
- 棗
- 栗
- 榛


簠

- 黍
- 稷

銅



某甲太歲之神



帛


俎




簋




豆



陳設同



陳設同



會典卷八十五


四十

大明會典卷之八十五

會典卷八十五

四十一

五





8